



12 OCT, 2020

Polis tahan 13 individu kerana melanggar SOP PKPP

Utusan Borneo Sarawak, Malaysia

Page 1 of 2

Polis tahan 13 individu kerana melanggar SOP PKPP

KUCHING: Polis menahan 13 individu di dua lokasi berbeza di negeri ini kerana melanggar prosedur operasi standard(SOP) Perintah Kawalan Pergerakan Pemulihian (PKPP).

Jawatankuasa Pengurusan Bencana Negeri Sarawak (JPBNS) dalam kenyataan semalam berkata 12 daripada individu yang ditangkap itu merupakan warganegara Indonesia (enam lelaki dan enam perempuan) dan mereka ditahan di sebuah

pusat hiburan di Niah, Miri kerana tidak mematuhi SOP penjarakan fizikal.

Manakala seorang individu ditahan polis adalah lelaki tempatan kerana memukul pegawai keselamatan yang sedang memeriksa suhu badan pengunjung di Pasar Sentral Sibu, katanya.

“Selain itu PDRM (Polis Diraja Malaysia) telah mengeluarkan 53 notis kompaun iaitu 43 di Kuching, lima di Miri manakala Kota Samarahan dan Betong ma-

sing-masing satu kerana tidak mematuhi SOP.

“Sementara itu, pihak berkuasa tempatan telah mengeluarkan 65 amaran lisan, bertulis dan sitaan iaitu di kawasan selian Majlis Perbandaran Sibu (26), Lembaga Kemajuan Bintulu (15), Majlis Bandaraya Kuching Selatan (11), Dewan Bandaraya Kuching Utara (lapan) dan Majlis Daerah Serian (lima),” katanya.

JPBNS juga melaporkan semalam 1,582 premis telah

dipantau melibatkan pasar raya (198), restoran (243), kilang (14), bank (116), pejabat kerajaan (55), penjaja (70), pasar tani/awam (77), tempat ibadat (79), tempat riadah (40), tapak pembinaan (21) dan lain-lain (669).

“Hari ini juga sebanyak 957 kenderaan telah diperiksa dalam enam sekatan jalan raya sempena Ops Benteng di lima daerah iaitu Lundu (dua), Bau, Serian dan Lubok Antu (masing-masing satu),” tambahnya.



12 OCT, 2020

Polis tahan 13 individu kerana melanggar SOP PKPP

Utusan Borneo Sarawak, Malaysia

Page 2 of 2

SUMMARIES

KUCHING: Polis menahan 13 individu di dua lokasi berbeza di negeri ini kerana melanggar prosedur operasi standard (SOP) Perintah Kawalan Pergerakan Pemulihan (PKPP). Jawatankuasa Pengurusan Bencana Negeri Sarawak (JPBNS) dalam kenyataan semalam berkata 12 daripada individu yang ditangkap itu merupakan warganegara Indonesia (enam lelaki dan enam perempuan) dan mereka ditahan di sebuah

pusat hiburan di Niah, Miri kerana tidak mematuhi SOP penjarakan fizikal.